

ՄԱՍԻՍ ՔԱՂԱՔԱՅԻՆ ՀԱՄԱՅՆՔԻ 2018Թ. ԲՅՈՒՋԵԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՄԱՍԻՆ ՀԱՇՎԵՏՎՈՒԹՅՈՒՆ

Եկամուտներ

Մասիս քաղաքային համայնքի 2018թ.վարչական բյուջեի եկամուտների տարեկան առաջադրանքը նախատեսված 575069.4 հազ. Դրամի դիմաց փաստացի մուտքերը կազմել են 612839.3 հազ. դրամ, կամ տարեկան մուտքերի առաջադրանքը կատարվել է 107%-ով, որից սեփական եկամուտների առաջադրանքը կատարվել է 115%-ով՝ կամ 244985,0հազար դրամի դիմաց կատարվել է 282667,9 հազար դրամ:

1.Հարկային եկամուտներ

Հարկային եկամուտների գծով տարվա համար նախատեսված 113337,8 հազ. դրամի դիմաց փաստացի մուտքերը կազմել է 136388,8 հազ. դրամ, կամ մուտքերի առաջադրանքը կատարվել է 120%-ով, այդ թվում հողի հարկի առաջադրանքը կատարվել է 113%-ով, գույքահարկինը՝ 114 %-ով, գույքահարկ փոխադրամիջոցներից՝ 128%-ով:

2.Տեղական տուրքեր

Տեղական տուրքերի առաջադրանքը կատարվել է 93%-ով, տարվա համար նախատեսված 11621,5հազ. դրամի դիմաց փաստացի մուտքերը կազմել են 10744,8 հազ. դրամ, այդ թվում՝

ա/ Համայնքի տարածքում նոր կառուցվող օբյեկտների և շինությունների շինարարությունը սկսելու թույլտվության համար նախատեսված 1262.0հազ. դրամի դիմաց փաստացի մուտքերը կազմել է 1433.0հազ. դրամ կամ կատարվել է 113.5%-ով:

բ/ շենքերի, շինությունների և այլ օբյեկտների վերակառուցման, վերականգնման համար նախատեսված 87.0 հազ. դրամի դիմաց մուտքերը կազմել է 58.0 հազ. դրամ, կամ կատարվել է 67%-ով:

գ/ Համայնքի տարածքում գտնվող օբյեկտները քանդելու աշխատանքներ կատարելու թույլտվության համար նախատեսված 35,0հազ. դրամի դիմաց փաստացի մուտքերը կազմել են 30,0 հազ. դրամ, կամ կատարվել է 86%-ով:

դ/ Համայնքի վարչական տարածքում ոգելից խմիչքների և ծխախոտի արտադրանքի վաճառքի թույլտվության համար նախատեսված 3420,0 հազ. դրամի դիմաց փաստացի մուտքերը կազմել է 2771.0 հազ. դրամ, կամ կատարվել է 81 %-ով:

ե/ Համայնքի տարածքում հեղուկ վառելիքի, տեխնիկական հեղուկների, հեղուկացված գազերի մանրածախ առևտրի կազմակերպման թույլատրման համար նախատեսված 600,0 հազ. դրամի դիմաց, մուտքերի առաջադրանքը կատարվել է 750,0 հազ. դրամով, կամ 125,0 %-ով:

զ/ Համայնքի տարածքում բացօթյա վաճառք կազմակերպելու թույլտվության համար նախատեսված 315.0 հազ. դրամի դիմաց փաստացի մուտքերը կազմել է 166.6 հազ. դրամ, կամ կատարվել է 53 %-ով:

է/ Համայնքի տարածքում առևտրի, հանրային սննդի, զվարճանքի, շահումով խաղերի և վիճակահատերի կազմակերպման օբյեկտների, բաղնիքների (սաունաներ), խաղատների ժամը 24.00-ից հետո աշխատելու թույլտվության համար նախատեսված 300,0 հազ. դրամի դիմաց փաստացի մուտքերը կազմել են 480.0 հազ. դրամ, կամ կատարվել է 160%-ով:

ը/ Համայնքի տարածքում արտաքին գովազդ տեղադրելու թույլտվության համար նախատեսված 4117,5 հազ. դրամ, փաստացի մուտքերը կազմել է 3887.6 հազ. դրամ, կամ կատարվել է 94. %-ով:

թ/ Համայնքի տարածքում թանկարժեք մետաղներից պատրաստված իրերի մանրածախ առք ու վաճառքի թույլտվության համար նախատեսված 75,0 հազ. դրամի դիմաց փաստացի մուտքերը կազմել են 75,0 հազ. դրամ, կամ կատարվել է 100%-ով:

ժ/ Համայնքի տարածքում ընթացիկ տարում մարդատար տաքսի ծառայություն իրականացնելու թույլտվության համար նախատեսված 30,0 հազ. դրամի դիմաց փաստացի մուտքերը կազմել են 30,0 հազ. դրամ, կամ կատարվել է 100%-ով:

ի/ Համայնքի անվանումը ֆիրմային անվանումներում օգտագործելու թույլտվության համար նախատեսված 300,0 հազ. դրամի դիմաց փաստացի մուտքերը կազմել են 271,0 հազ. դրամ, կամ կատարվել է 90 %-ով:

լ/ Համայնքի տարածքում գտնվող խանութներում, կրպակներում տեխնիկական հեղուկների վաճառքի թույլտվության համար նախատեսված 240,0 հազ. դրամ, փաստացի մուտքերը կազմել են 240 հազ. դրամ, կամ մուտքերի առաջադրանքը կատարվել է 100%-ով:

խ/ Համայնքի տարածքում հանրային սննդի կազմակերպման և իրացման թույլտվության համար նախատեսված 590,0 հազ. դրամի դիմաց փաստացի մուտքերը կազմել է 552.5 հազ. դրամ, կամ կատարվել է 94 %-ով:

3. Պետական տուրքեր

Պետական տուրքերի առաջադրանքը կատարվել է 157 %-ով, կամ նախատեսված 11000,0 հազ.դրամի դիմաց փաստացի մուտքերը կազմել են 17218,6 հազ. դրամ:

4. Պաշտոնական դրամաշնորհներ

Պետական բյուջեից տրամադրվող այլ դոտացիայի և սուբվենցիայի գծով գծով փաստացի մուտքերը կազմել են 324817,3 հազ. դրամ, կամ կատարվել է 100 %-ով:

5. Այլ եկամուտներ

Այլ եկամուտների առաջադրանքը կատարվել է 108%-ով, կամ նախատեսված 114292,8 հազ. դրամի դիմաց, փաստացի մուտքերը կազմել են 123669,8 հազ. դրամ, նույն թվում՝ հողերի վարձակալությունից եկամուտները՝ 75%-ով, այլ գույքի վարձակալությունից եկամուտները՝ 92%-ով:

Պատվիրակված լիազորությունների համար պետական բյուջեից մուտքերը կազմել է 5354.1 հազ. դրամ, կամ կատարվել է 100%-ով:

6. Տեղական վճարների մասով բյուջեում նախատեսված 89848.0 հազ. դրամի դիմաց գանձումները կազմել է 97596.3 հազ. դրամ կամ կատարվել է 109%, որից աղբահանության վճարների մասով 38000.0 հազ. դրամի դիմաց գանձվել է 37139.0 հազ. դրամ կամ կատարվել է 98%-ով: Համայնքի պատվերով՝ մանկապարտեզների, երաժշտական և գեղարվեստի դպրոցների կողմից մատուցված ծառայությունների դիմաց ծնողական վճարների մասով նախատեսվել է եկամուտ 46163,0 հազար դրամ, գանձումը կազմել է 49269,3 հազար դրամ կամ կատարվել է 107%-ով:

Մասիս քաղաքային համայնքի 2018թ. ֆոնդային բյուջեի եկամուտները նախատեսված 142662,4 հազ. դրամի դիմաց կատարվել է 173716,4 հազ. դրամով, որից տարեսկզբի մնացորդը՝ կազմել է 105906,4 հազ. դրամ, գույքի և հողի իրացումից մուտքերը՝ պլանավորված 36756,0 հազ. դրամի դիմաց՝ 67809,6 հազ. դրամ:

Ծախսեր

2018 թ. համայնքի վարչական բյուջեի տարեկան ծախսերը կատարվել է 94 %-ով՝ 575069,4 հազ. դրամ առաջադրանքից կատարվել է 542194,4 հազ. դրամ, որից՝ վարչական բյուջեի ծախսերը ըստ ծրագրերի կատարվել են՝

Ընդհանուր բնույթի հանրային ծառայությունների գծով ծախսերը կատարվել 61 %-ով:

Շրջակա միջավայրի պաշտպանության համար նախատեսված ծախսերը կատարվել է 96 %-ով:

Բնակարանային շինարարություն և կոմունալ ծառայություն դասակարգմամբ նախատեսված ծախսերը կատարվել է 62 %-ով:

Հանգիստ, մշակույթ և կրոն դասակարգումով նախատեսված ծախսերը կատարվել է 79 %-ով:

Կրթության ոլորտի համար բյուջեով նախատեսված ծախսերը կատարվել է 99 %-ով:

Սոցիալական պաշտպանության համար նախատեսված ծախսերը կատարվել է 97 %-ով:

2018 թ. Ֆոնդային բյուջեի ծախսերը կազմել է 37796,6 հազ. դրամ, որից վարչական շենքի պատուհանների փոխարինման և միջանցքի հիմնանորոգման համար 6827,6 հազ. դրամ, վարչական սարքավորումների ձեռք բերման համար՝ 2913,0 հազ. դրամ, Հաշվապահ-7 համակարգչային ծրագրերի ձեռք բերման համար 3516,4 հազ. դրամ, մարզադպրոցի գազատարի հիմնանորոգման աշխատանքների համար՝ 528,0 հազ. դրամ, Մասիս Կայարանի թիվ 9, 15, 17 շենքերի և թիվ 4 մանկապարտեզի կոյուղագծերի հիմնանորոգման համար 4365,5 հազ. դրամ, 1-3-րդ փողոցների լուսավորության ցանցի կառուցման համար 8439,3 հազ. դրամ, Թվային լուսացույցի ձեռք բերման համար՝ 485,0 հազար դրամ, խաղային սարքավորումների ձեռք բերման համար՝ 163,5 հազ. դրամ, 2-րդ դպրոց տանող մայթի կառուցման և Հերացու փողոցի վերջնամասի հիմնանորոգման համար՝ 9598,3 հազ. դրամ, նախագծանախահաշվային փաստաթղթերի ձեռք բերման համար 960 ,0 հազ. դրամ:



[Handwritten signature in blue ink]

Դ. ՀԱՄԲԱՐՉՈՒՄՅԱՆ

ՖԻՆԱՆՍԱԿԱՆ ԲԱԺԻՆ ԴԵՍ

Ն.ՍԱՀԱԿՅԱՆ